

21.06. Արագջամ Ե Ընձեթ

2022-2023 ուստարվա ընթացքում 6-րդ "ա" դասարանի

դասղեկ Ա. Սուրբիասյանի կատարած ուսումնադաստիարակչական աշխատանքների տարեկան հաշվետվություն

2022-2023 ուսումնական տարում 6-րդ «ա» դասարանում սովորում են 28 աշակերտներ՝ 13 աղջիկ և 15 տղա: Դասարանի բոլոր աշակերտները ուսումնասիրում են անգլերեն: Դասարանի 6 աշակերտներ ցուցաբերել են գերազանց առաջադիմություն, իսկ 9-ը առաջավոր են ուսման մեջ: Դասարանի ուսման որակը կազմել է 53%: Դասարանի շատ աշակերտներ ընդգրկված են տարբեր խմբակներում: Միրում են ֆիզկուլտուրայի դասերը: Դասարանի աշակերտները դպրոցական թիմի կազմում մասնակցել են Սպորտլանդիայի քաղաքային և մարզային փուլերին, զբաղեցրել 1-ին տեղ: Ակտիվ մասնակցում են տարբեր տեսակի դասարանային և համադպրոցական միջոցառումներին: Կոլեկտիվը համախմբված է, ընկերասեր: Համագործակցության շնորհիվ կարողանում են դասարանում կարգ ու կանոն ապահովել:

1. Ուսումնադաստիարակչական աշխատանքներ անցկացվել են բոլոր դասղեկական ժամերին հետևյալ թեմաներով՝ «Իմ կյանքի կանոնները», «Իմ իրավունքները և պարտականությունները», «Մասնագիտություններ, որոնց մասին երազում եմ», «Դպրոցը մեր մեծ և համերաշխ ընտանիքն է», «Ի՞նչ է ընկերասիրությունը» և այլն: Դպրոցում կազմակերպված միջոցառումներին մասնակցել են մեծ խանդավառությամբ, որից հետո անցկացվել են քննարկումներ, աշակերտները կիսվել են տպավորություններով: Դասարանի աշակերտները ակտիվորեն մասնակցել են առարկայական օլիմպիադաներին և մրցույթներին:

2. Հայեցի և հոգևոր դաստիարակության նպատակով անցկացվել են զրույցներ, միջոցառումներ հետևյալ թեմաներով՝ «Իմ երկիրը երեկ, այսօր և վաղը», «Ես հպարտ եմ, որ հայ եմ», «Հայաստանը ես եմ» և այլն: Դասարանը ակտիվ մասնակցել է դպրոցում կազմակերպված Մայրենիի միջազգային օրվան նվիրված միջոցառմանը: Գիրք նվիրելու օրվա կապակցությամբ դպրոցական զրադարանին զրբեր են նվիրել:

3. Գեղագիտական դաստիարակության նպատակով անց են կացվել դասղեկական ժամեր «Գեղեցիկի աշխարհում» խորագրով՝ «Իմ սիրելի նկարիչը», «Այվագովսկու կյանքը և ստեղծագործությունները» և այլն: Այցելել ենք «Շուշիի գորգեր» ցուցահանդեսին Ստեփանավանի մշակույթի և ժամանցի կենտրոնում: Սու Մարգարյանի անվան մշակույթի պալատում մասնակցել ենք «Մուլտիպլիկացիոն և անիմացիոն ֆիլմերի շաբաթ» միջոցառմանը՝ նվիրված Հայ կինոյի 100-ամյակին:

4. Ռազմահայրենասիրական դաստիարակություն: Անցկացվել են զրույցներ «Մեր ժամանակի հերոսներ», «Մայիսյան հաղթանակներ» թեմաներով: Հայոց բանակի, հերոսամարտերին նվիրված միջոցառումներին դասարանի աշակերտները մասնակցել են մեծ ոգևորությամբ:

5. Աշխատանքային դաստիարակություն: Ակտիվորեն մասնակցել ենք դպրոցական, համաքաղաքային և համապետական շաբաթօրյակներին: Աշակերտները խնամքով հետևել են դասարանի սանիտարական վիճակին: Մասնակցում են «Դպրոցական մինի այգի» ծրագրին: Անցկացվել է բաց դասղեկական ժամ «Մեր ծնողների մասնագիտությունները»:

6. Բնապահպանական դաստիարակություն: Մասնակցել են «Ածխածնային հետք» դաս-միջոցառմանը և կազմակերպել են սննդամթերքների թափոնների հավաքում, այն դպրոցական այգում կոմպոստի վերածելու նպատակով: Անցկացվել են դասղեկական ժամեր հետևյալ թեմաներով՝ «Վնասակար սովորություններ. նրանց հետևանքները», «Իմ աշխարհը» և այլն:

7. Երաժշտության ուսուցիչ Բ. Դավթյանը դասարանի աշակերտների հետ միասին անցեկացրել է միջոցառում՝ նվիրված ընտանիքի միջազգային օրվան: Բազմաթիվ էին նաև բաց դասերը տարբեր առարկաներից:

8. Անցկացվել են 4 ծնողական ժողովներ, քննարկվել են առաջադիմությանը, վարքին, աշակերտների բացակայությանը վերաբերող և այլ կազմակերպչական հարցեր:

9. Ուսումնական տարին ավարտեցինք հետաքրքիր էքսկուրսիայով դեպի Խոր Վիրապ, Մատենադարան: